

- 4) Innréttingar í matvælarýminu, svo sem hillur, afgreiðsluborð, bakkar fyrir brauð og annað þvilíkt, skulu vera þannig, að auðvelt sé að halda þeim hreinum og þess vegna getur verið nauðsynlegt, að sumir hlutar innréttinga séu færanlegir.
- 5) Í ökutækinu skal vera góð aðstaða til handþvotta. Handlauginni skal komið fyrir á aðgengilegum stað, og sé hún í sjálfu matvælarýminu, skal vera hlíf í kringum hana. Vatnið skal geyma í föstum geymi, sem tekur a. m. k. 10 l og skal honum komið fyrir þar sem ekki er frosthætta.
- 6) Ökutæki, sem ætlað er til sölu á kjötvörum og kjötafurðum, fiski, smjöri og smjörlíki skal vera búið kælitækjum, sem tryggja, að hitastigið í því rými, sem ætlað er fyrir þessar vörur, fari ekki yfir + 8 gráður C.
- 7) Ákvæði þessarar greinar skerða þó ekki þær undanþágur til torgsölu o. fl., sem veittar eru annars staðar í samþykkt þessari eða í lögreglusamþykkt.

2. gr.

Töluröð eftirfarandi greina breytist þannig, að 81. gr. verður 82. gr., 82. gr. verður 83. gr. o. s. frv.

3. gr.

Samþykkt þessi öðlast þegar gildi.

Samþykkt þessi, er bæjarstjórn Kópavogskaupstaðar hefur samið og samþykkt, samkvæmt lögum nr. 35 12. febrúar 1940, um heilbrigðisnefndir og heilbrigðissamþykktir, staðfestist hér með eftir tillögum landlæknis og birtist til eftirbreytni öllum þeim, sem hlut eiga að máli.

Dóms- og kirkjumálaráðuneytið, 7. maí 1965.

Jóhann Hafstein.

Baldur Möller.

S A M Þ Y K K T

um sýsluvegasjóð í Austur-Barðastrandarsýslu.

1. gr.

Í Austur-Barðastrandarsýslu skal vera sýsluvegasjóður. Skal úr þeim sjóði greiða kostnað við viðhald og lagningu sýsluvega skv. 2. gr. í samræmi við staðfesta sýsluvegaáætlun, sbr. þó 52. gr. vegalaga nr. 71/1963.

2. gr.

Í tölu sýsluvega má ekki taka vegi, sem styttri eru en 200 m, nema götur í þorpum með færri en 300 íbúa.

Sýsluvegur skal aldrei teljast nær býli en 200 m, ef hann endar þar.

Sýsluvegir eru:

Geiradalshreppur:

1. Bakkavegur, af Tröllatunguvegi við Litlu-Brekku að Bakka.
2. Gautsdalsvegur, af Vesturlandsvegi á Oddamel að Gautsdal.
3. Klettsvegur, af Vesturlandsvegi að Kletti.

Reykhólahreppur:

1. Borgarlandsvegur, af Borgarlandsvegi (landsbraut), hjá Hafrafelli að Borg.
2. Reykhólasjávargata, frá Reykhólum að lendingu við Hóp.
3. Staðarsjávargata, af Reykhólasveitarvegi, vestan Staðarar að lendingu við Staðarklauf.
4. Hólavegur, af Vesturlandsvegi að Hólum.
5. Mýrartunguvegur, af Vesturlandsvegi að Mýrartungu.
6. Skáldstaðavegur, af Vesturlandsvegi að Skáldstöðum.

Gufudalshreppur:

1. Hallsteinsnesvegur, af Vestfjarðavegi utan Þórisstaða fyrir Hallsteinsnes á Vestfjarðaveg í Krossgiljum við Djúpafjörð.
2. Grónesvegur, af Vestfjarðavegi austan við Ódrjúgsháls um Grónes á Vestfjarðaveg frá Brekku.
3. Fremri-Gufudalsvegur, af Neðra-Gufudalsvegi að Efri-Gufudal.

Múlahreppur:

1. Svínanesvegur, af Vestfjarðavegi við Illugastaði út með Skálmarfirði að Svínanesi.
2. Axlarréttarvegur, af Vestfjarðavegi á Klettshálsi að Syðri-Axlarrétt.

3. gr.

Vegagerð ríkisins er veghaldari sýsluvega.

4. gr.

Hvert hreppsfélag greiðir árlega í sýsluvegasjóð sem samsvarar andvirði þriggja dagvinnustunda fyrir hvern íbúa, miðað við kaupgjald í almennri verkamannavinnu hjá vegagerð ríkisins 1. desember hið næsta ár áður en gjaldið er lagt á. Ákveður sýslumaður gjald hvers hrepps og tilkynnir oddvita fyrir 1. marz. Skal það greitt í einu lagi úr sveitarsjóði eigi síðar en á næsta manntalsþingi.

5. gr.

Hreppsnefnd jafnar þeirri upphæð, sem hreppi ber að greiða í sýsluvegasjóð samkvæmt 21. gr., niður eftir sömu reglum og öðrum útgjöldum hreppsins.

6. gr.

Nú á einhver fasteign í hreppi eða kaптúni, aðra en jörð í fastri ábúð eða jarðarhluta, en er þar þó ekki útsvarsskyldur eða greiðir þar ekki útsvar eftir sömu reglum og aðrir íbúar hreppsins og skal hann þá greiða vegaskatt af eign sinni í sýsluvegasjóð. Skattur þessi greiðist á manntalsþingi.

Vegaskattur skal nema 6 af þúsundi af virðingarverði mannvirkja en 12 af þúsundi af virðingarverði landa og lóða, hvort tveggja miðað við fasteignamat. Gjald þetta hefur lögtaksrétt.

7. gr.

Undanskildar vegaskatti samkvæmt 23. gr. eru allar kirkjur, skólahús, sjúkrahús, þinghús, félagsheimili og vitar. Ráðherra er heimilt eftir tillögum sýslunefnda, að ákveða, að eyjar, sem eru sjálfstæð hreppsfélög, greiði ekki framlag til sýsluvegasjóðs, enda annist hreppsfélagið sjálft um vegakerfi sitt að öllu leyti.

8. gr.

Í kaптúnum, sem eru hreppsfélög út af fyrir sig, skal helmingur sýsluvegasjóðsgjalda renna í sveitarsjóð, ef hreppsfélagið ver til vega eða gatnagerðar innan hrepps á því ári a. m. k. jafnmiklu fé úr sveitarsjóði.

9. gr.

Gera skal sýsluvegaáætlun til fjögurra ára í senn og miða hana við sama tíma-
bil og vegaáætlun fyrir þjóðvegi. Vegamálastjóri semur frumdrög að slíkri áætlun í
samráði við sýslunefnd og skal hún tekin fyrir og afgreidd á sýslufundi til sam-
þykktar. Öðlast áætlun þessi gildi, þegar samgöngumálaráðherra hefur staðfest
hana. Sýsluvegaáætlun skal endurskoða, er hún hefur gilt í tvö ár.

10. gr.

Oddviti sýslunefndar semur árlega reikning sýsluvegasjóðs. Skal reikningur
undanfarins árs lagður fram á sýslufundi til samþykktar og gilda þar um sömu
reglur sem um sýslusjóðsreikninginn. Sýslunefnd semur einnig árlega áætlun um
tekjur sýsluvegasjóðs yfirstandandi árs, svo og áætlun um gjöld sýsluvegasjóðs með
hliðsjón af staðfestri sýsluvegaáætlun.

Framangreindar áætlanir skv. 9. og 10. gr., svo og reikning sýsluvegasjóðs, skal
oddviti sýslunefndar senda vegamálastjóra að loknum sýslufundi.

11. gr.

Nú gerir sýsluvegaáætlun ekki ráð fyrir framkvæmdum eða innstæða í sýslu-
vegasjóði nægir til framkvæmda og viðhalds næsta ár að dómi sýslunefndar, og
skulu tekjur sýsluvegasjóðs það ár renna til þjóðvega í viðkomandi sýslu, eftir
ákvörðun sýslunefndar.

12. gr.

Brot gegn samþykkt þessari varðar sektum allt að 100 þús. krónum, nema
þyngri hegning liggi við að lögum. Með mál út af slíkum brotum skal farið að
hætti opinberra mála.

13. gr.

Með samþykkt þessari er numin úr gildi samþykkt fyrir sýsluvegasjóð Austur-
Barðastrandarsýslu nr. 160 frá 10. desember 1946 með breytingu nr. 228 frá 29. des-
ember 1961.

14. gr.

Samþykkt þessi öðlast þegar gildi.

Samþykkt þessi, sem sýslunefnd Austur-Barðastrandarsýslu hefur samið og sam-
þykkt samkvæmt 19. grein vegalaga nr. 71 30. desember 1963, staðfestist hér með
til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 15. maí 1965.

Ingólfur Jónsson.

Brynjólfur Ingólfsson.